



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

3. De ingressu in Jerusalem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

di verbum hoc ; quòd terrena sapiamus, & cupiamus.

MEDITATIO III.

Solemnis ingressus in Ierusalem ante
Passionem. Matth. 21. Marc. 11.

Luc. 19.

PUNCTUM PRIMUM.

CAusæ, ob quas voluit ita Christus ingredi fuerunt quinque. 1. causa, ut ostenderet qua alacritate mortem adiret, qua invitati sunt Martyres. 2. ut intelligeremus, cum postea tristitiam & agoniam ex consideratione Passionis sensit ; nihilominus in ijs ipsis secundum spiritum exultrasse, quod nos facere oportet cum Paulo : *libenter gloriabor in infirmitatibus meis.* 3. ut declararet benevolum suum animum erga ingratam civitatem, non obstantibus toti- bi contra se excitatis persecutionibus, quòdque etiam post toleratam ibidem mortem paratus esset illam in gratiam recipere, modò resipisceret, quod quotidie fit, quando per peccatum mortale Christo cruci affixo, conculcatòque ejus sanguine, tamen is paratus est ad eandem animam redire, suaque gratia illam visitare. 4. ut doceret gloriosum esse pro Deo quævis pati, præsertim in oculis Dei, Angelorum, & hominum justorum, ut triumphare nos doceat inter ejusmodi opprobria. 5. ut tantò reddere-

Causæ
ingres-
sus tam
celebris.
1.
2.
3.
2. Cor.
12. 9.
4.
Pati pro
Christo
glorio-
sum.
5.

B 2 tur

Ps. 87. tur major ignominia Passionis, quanto celebri-
 16. or extitisset exceptio adventantis, juxta illud
Isa. 25. *Exaltatus autem, humiliatus sum, & conturba-*
 13. *tus: & apud Isaiam de Christo, Sicut obstu-*
puerunt super te multi, sic inglorius erit inter
viros aspectus ejus, & forma ejus inter filios ho-
minum.

PUNCTUM II.

Matt. 21. 2. **P**reparatio ad ingressum. 1. *Asinam* jubet
Marc. 11. 2. adduci, aliàs semper pedes peragravit loca,
Luc. 19. 35. ubi prædicavit: nunc verò non quadriga, aut
Matt. 21. 5. phalerato equo utitur, sed *asello*, præferens in-
Zach. 9. 9. signia sui regni, paupertatem, & humilitatem,
 & mansuetudinem. *Dicite filia Sion, Ecce rex*
tuns veniet tibi justus & Salvator, ipse pauper
& ascendens super asinum, 2. mittit duos, qui
 solvant *asinam*. Sociatos esse vult Apostolos
 charitate: Est Apostolorum officium solvere
 peccatores: si qui prohibeant (nam sunt, qui
 obstant bono animarum) responderi jubet,
quia Dominus his opus habet, non in suum,
 sed illorum bonum, & pro gloria Patris. Ad-
 ducuntur, ut ijs infideat, frænet, ac dirigat, quò
 opus est. O infræna me Domine, & reduc
 me in via mandatorum tuorum.

PUNCTUM III.

Honor **P**lausus populi. Pater æternus, sicut Filium
 Christo suum ingredientem in mundum in pauper-
 exhibi- tus est à tate & humilitate clarificavit, misso ad Pasto-
 Patre. res

res Angelorum exercitu, qui illius adventum celebrarent, canentes gloriam in altissimis Deo, & pacem hominibus bonæ voluntatis, ita nunc ad Passionem solemniter Ierolimam venientem excipi facit à simplici populo, non dissimili plausu, dum canunt, *Hosanna Filio David*, *Luc. 19.*
Pax in cælo, & gloria in excelsis : In cælo 39.
pax, dum cœlites hominibus conciliantur: unde gloria in excelsis ipsi Deo auctori redditur, Vestimenta substernunt : ita ego mea, & me ad pedes illius abjiciam, felicitati ducens, quòd cedant in ipsius obsequium,

PUNCTUM IV.

Invidia Phariseorum : Unde Christum interpellant : *Magister, increpa discipulos tuos*. Tales non sunt capaces, quibus communicetur intelligentia mysterij Christi, sed populus simplex. Respondit autem : *Dico vobis, quia si hi tacuerint, lapides clamabunt* : vel, *illis tacentibus*, dicit Dominus, *lapides de me testimonium perhibebunt*, quos ante vos in terra jacere cernitis. Et verò lapides testificati sunt in morte Christi, quando *petra scissæ sunt*, & cùm, in pœnam, non mansit lapis super lapidem, excisa funditus civitate Ierusalem.

Invidiæ malum.
Luc. 19.
39.

Matt.
27. 51.